

Sarajevo,  
Broj:

29-06-2022

SB-11-3-29037



KLINIČKI  
CENTAR  
UNIVERZITETA  
SARAJEVO

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-04-4-28239 od 23.06.2022.godine, Generalna direktorica donosi:

### ODLUKU

o izboru najpovoljnijeg ponuđača za  
**Izvođenje radova na rekonstrukciji lifta A1-CMB KCUS-a**

#### I

Prihvata se prijedlog Komisije za javnu nabavku, **Izvještaj br. 10-04-4-28239 od 23.06.2022.godine**, o izboru najpovoljnijeg ponuđača za „**Izvođenje radova na rekonstrukciji lifta A1-CMB KCUS-a**“, nakon provedenog konkurentskog zahtjeva, te se jednokratni Ugovor o izvođenju radova dodjeljuje ponuđaču **LIFTMONT d.o.o. Sarajevo, u iznosu od 21.978,00 KM bez PDV-a.**

Ugovor će biti zaključen u skladu sa dostavljenom ponudom broj P-98-22 od 17.06.2022.godine (KCUS broj 10-11-3-27564 od 20.06.2022. godine) odnosno jediničnim cijenama iz ponude koje su srazmjerno umanjene ukupnom procentualnom smanjenju nakon provedenog postupka e-aukcije od 22.06.2022.godine.

Osnovni elementi Ugovra :

➤ **Ukupna vrijednost Ugovra**

**21.978,00 KM bez PDV-a + PDV 3.736,26 KM = 25.714,26 KM sa PDV-om**

- Vrijeme trajanja Ugovora: **maksimalno 30 dana** od dana obostranog potpisivanja Ugovora  
➤ Uslovi plaćanja: odgođeno plaćanje **u roku 60 dana** po ispostavljenom računu,

#### II

Izabrani ponuđač je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2. Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

### OBRAZLOŽENJE

Na osnovu Odluke o pokretanju postupka javne nabavke br. 58-11-7-25942 od 08.06.2022.godine, pokrenut je postupak javne nabavke „**Izvođenje radova na rekonstrukciji lifta A1-CMB KCUS-a**“. Procijenjena vrijednost nabavke je **22.000,00 KM bez PDV-a**, a sredstva su planirana privremenim Planom javnih nabavki KCU Sarajevo za 2022.godinu, pod klasifikacijom **Radovi, redni broj 1.** (Odluka o usvajanju privremenog Plana javnih nabavki KCU Sarajevo za 2022.godinu, broj 65-04-2-1874 od 12.01.2022.godine).

Klinički centar Univerziteta u Sarajevu je 09.06.2022.godine, objavio Obavještenje o nabavci broj: 893-7-3-359-3-296/22 na portalu e-Nabavke zajedno sa Tenderskom dokumentacijom o izboru najpovoljnijeg ponuđača za „**Izvođenje radova na rekonstrukciji lifta A1-CMB KCUS-a**“.

U skladu sa Čl. 88. Zakona o javnim nabavkama Poziv za učešće u postupku javne nabavke putem e-maila upućen je 09.06.2022.godine slijedećim ponuđačima:

1. **LIFT INŽENJERING d.o.o Sarajevo**
2. **CERTUS d.o.o. Tuzla**
3. **DVG-ALM Company d.o.o. Sarajevo**

Obzirom da je tenderska dokumentacija za postupak nabavke radova, objavljena na portalu e-Nabavke istu je preuzelo je 8 (osam) potencijalnih ponuđača, a do krajnjeg roka određenog za prijem ponuda, do 20.06.2022.

*Handwritten signature*

godine do 08:30 sati na Protokol KCUS-a dostavljene su 3 (tri) ponude što je evidentirano Zapisnikom o zaprimanju ponuda br. 10-33-4-27574 od 20.06.2022.godine.

U narednoj tabeli je dat pregled o prispjelim ponudama.

Red. broj ponude	Naziv ponuđača	Broj, datum i vrijeme prispjeća ponude	Cijena ponude bez PDV-a (KM)
1.	<b>DVG-ALM COMPANY doo Sarajevo</b>	10-11-3-27548 17.06.2022.godine 15:10 sati	<b>21.998,00</b>
2.	<b>LIFTEC doo Sarajevo</b>	10-11-3-27563 20.06.2022.godine 08:00 sati	<b>22.000,00</b>
3.	<b>LIFTMONT doo Sarajevo</b>	10-11-3-27564 20.06.2022.godine 08:01 sati	<b>22.000,00</b>

### **Otvaranje i Analiza ponuda**

Javno otvaranje ponuda održano je dana 20.06.2022 godine u 09:00 sati u sali za sastanke na lokaciji Objekat Tehničkog sektora (C9) Bolnička br.25. uz prisustvo članova komisije, sekretara komisije i referenta protokola (Alen Avdić). Javnom otvaranju ponuda nije prisustvovao/la niko od predstavnika ponuđača.

Komisija je konstatovala da su ponude blagovremene, uredno obilježene i ovjerene od strane ponuđača, te je iste prilikom preuzimanja od strane referenta protokola obilježila rednim brojevima od 1 do 3. Komisija je u prisustvu referenta protokola, izvršila otvaranje ponuda, a budući da su iste uvezane i osigurane jemstvenikom radi zaštite od eventualnih zloupotreba, Komisija je izvršila potpisivanje i ovjeru prve i posljednje stranice ponuda, kao i potpisivanje i ovjeru koverta u kojima su ponude dostavljene.

Obzirom da je u tenderskoj dokumentaciji navedeno, koje zahtjeve treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom broj: 01-04-4-27064 od 15.06.2022.godine, je izvršila uvid i provjeru dokumenata dostavljenih ponuda, te ocijenila formalno pravnu i suštinsku valjanost, a polazeći od zahtijevane dokumentacije i konstatovala da od 3 (tri) dostavljene ponude samo 2 (dvije) ponude ispunjavaju/zadovoljavaju formalno-pravne i tehničke zahtjeve iz tenderske dokumentacije. Komisija je također računskom provjerom ovih ponuda ustanovila da su obje dostavljene ponude i računski ispravne.

Naime, ponuđač **DVG-ALM COMPANY doo Sarajevo**, je dostavio ponudu za **Izvođenje radova na rekonstrukciji lifta A1-CMB KCUS-a**, a Komisija je detaljnom analizom ponude konstatovala da ista **nije formalno - pravno prihvatljiva**, jer nije dostavljena u skladu sa:

- Tačkom 2.1. tenderske dokumentacije u dijelu "Tehnička i profesionalna sposobnost" stav *l) kojim je zahtijevana "Izjava, kojom ponuđač pod punom materijalnom i krivičnom odgovornošću potvrđuje da raspolaže alatima, mašinama i kvalifikovanim radnom snagom i to u dovoljnom broju, koji osigurava izvršenje ugovora u zadanom roku";*
- Tačkom 2.1. tenderske dokumentacije u dijelu "Tehnička i profesionalna sposobnost" stav *m) kojim je zahtijevana "Izjava, kojom ponuđač pod punom materijalnom i krivičnom odgovornošću potvrđuje da ima iskustvo na izvođenju istih vrsta poslova, kojom garantuje izvršenje ugovora u zadanom roku;"*
- Tačkom 2.1. tenderske dokumentacije je također navedeno da *"Ponuda mora sadržavati sve navedene dokumente u originalu ili ovjerenoj kopiji (kopija ovjerena kod nadležnog organa – organ uprave ili notar, u daljem tekstu ovjerena kopija), u suprotnom će se smatrati nepotpunom i neće biti uzeta u dalje razmatranje."*

Na osnovu naprijed navedenog, te činjenice da ponuđač nije dostavio gore navedeno, Komisija je konstatovala da ponuda ponuđača **DVG-ALM COMPANY doo Sarajevo**, **ne ispunjava formalno pravne zahtjeve**, te je **neprihvatljiva i ne može učestvovati u daljem toku natjecanja**.

Imajući u vidu gore navedeno, te da je za ovaj postupak javne nabavke predviđena dodjela jednokratnog ugovora, provođenjem e-aukcije u skladu sa Pravilnikom o uslovima i načinu korištenja e-aukcije, Komisija je sačinila Zapisnik o pregledu i ocjeni ponuda br: 10-04-4-27694 od 20.06.2022.godine, kojim je dala prijedlog da se zakaže i provede e-aukcija sa ponuđačima ponuđačima **LIFTEC doo Sarajevo** i **LIFTMONT doo Sarajevo** kako slijedi:

*Alen Avdić*

Red. broj ponude	Naziv ponuđača	Cijena ponude bez PDV-a (KM)
1.	<b>LIFTEC doo Sarajevo</b>	<b>22.000,00</b>
2.	<b>LIFTMONT doo Sarajevo</b>	<b>22.000,00</b>

E-aukcija je zakazana za 22.06.2022.godine u 13:00 sati i provedena je putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16).

U prilogu je Izvještaj o toku i završetku e- aukcije/ Tabelarni pregled ponuda nakon okončane e-aukcije:

<b>Izvođenje radova na rekonstrukciji lifta A1-CMB KCUS-a</b>						
<b>Početak postupka: 22.06.2022.godine u 13:00 sati / Završetak postupka: 22.06.2022.godine u 13:10 sati</b>						
R. br.	Naziv ponuđača	IDB/JMB	Početna cijena u KM bez PDV-a	Konačna cijena u KM bez PDV-a	Umanjenje cijene	Rang
1.	<b>LIFTMONT doo Sarajevo</b>	<b>4202652050006</b>	<b>22.000,00</b>	<b>21.978,00</b>	<b>0,1 %</b>	<b>1</b>
2.	LIFTEC doo Sarajevo	4202662870001	22.000,00	17.982,00	0,0 %	2

Obzirom da je cijena prvorangirane ponude nakon provedene e-aukcije u okviru osiguranih sredstava za nabavku, te da je u provedenom postupku nabavke zadovoljena transparentnost, Komisija je, **Izvještajem broj 10-04-4-28239 od 23.06.2022.godine**, jednoglasno dala prijedlog Ugovornom organu da se donese odluka o izboru najpovoljnijeg ponuđača i jednokratni Ugovor za „**Izvođenje radova na rekonstrukciji lifta A1-CMB KCUS-a**“, **odijeli ponuđaču LIFTMONT d.o.o. Sarajevo, u iznosu od 21.978,00 KM bez PDV-a**, prema dostavljenim jediničnim cijenama u ponudi broj P-98-22 od 17.06.2022.godine (KCUS broj 10-11-3-27564 od 20.06.2022. godine), odnosno jediničnim cijenama iz ponude koje su srazmjerno umanjene ukupnom procentualnom smanjenju.

Prijedlog Komisije je prihvaćen i donijeta je odluka kao u dispozitivu.


  
**GENERALNA DIREKTORICA**  
**Prof.dr. Sebija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS